

〔宋〕王欽若等編纂 周勛初等校訂

冊府元龜

校訂本

伍

鳳凰出版傳媒集團 鳳凰出版社

冊府元龜

校訂本

伍

卷三四〇至卷四五六

將帥部

〔宋〕王欽若等 編纂 周勛初等 校訂 鳳凰出版傳媒集團 鳳凰出版社

南京大學古典文獻研究所專刊

第五冊校點人員

程章燦 成 林(卷三四〇——三八二)

陳書祿(卷三八三——四二五)

徐興無(卷四二六——四五六)

冊府元龜第五冊目錄

將帥部

卷三四〇	總序…………… (3827)	卷三五一	立功第四…………… (3958)
佐命…………… (3836)	卷三四一	卷三五二	立功第五…………… (3968)
佐命第二…………… (3846)	卷三四二	卷三五三	立功第六…………… (3982)
佐命第三…………… (3856)	卷三四三	卷三五四	立功第七…………… (3995)
佐命第四…………… (3866)	卷三四四	卷三五五	立功第八…………… (4006)
佐命第五…………… (3874)	卷三四五	卷三五六	立功第九…………… (4015)
佐命第六…………… (3886)	卷三四六	卷三五七	立功第十…………… (4025)
佐命第七…………… (3897)	卷三四七	卷三五八	立功第十一…………… (4034)
佐命第八…………… (3906)	立功…………… (3919)	卷三五九	立功第十二…………… (4047)
立功第二…………… (3932)	卷三四九	卷三六〇	立功第十三…………… (4059)
立功第三…………… (3946)	卷三五〇	卷三六一	機略…………… (4072)
		卷三六二	機略第二…………… (4088)
		卷三六三	機略第三…………… (4102)
		卷三六四	機略第四…………… (4116)

卷三六五	褒異第七…………… (4305)
機略第五…………… (4130)	卷三八二
卷三六六	褒異第八…………… (4317)
機略第六…………… (4142)	卷三八三
卷三六七	褒異第九…………… (4330)
機略第七…………… (4154)	卷三八四
卷三六八	褒異第十…………… (4339)
攻取…………… (4163)	卷三八五
卷三六九	褒異第十一…………… (4348)
攻取第二…………… (4173)	卷三八六
卷三七〇	褒異第十二…………… (4358)
忠…………… (4181)	卷三八七
卷三七一	褒異第十三…………… (4366)
忠第二…………… (4194)	卷三八八
卷三七二	儒學…………… (4375)
忠第三…………… (4207)	有禮…………… (4380)
卷三七三	卷三八九
忠第四…………… (4219)	請行…………… (4387)
卷三七四	卷三九〇
忠第五…………… (4234)	誓師…………… (4402)
卷三七五	警備…………… (4406)
褒異…………… (4246)	卷三九一
卷三七六	習兵法…………… (4414)
褒異第二…………… (4261)	申令…………… (4418)
卷三七七	示信…………… (4420)
褒異第三…………… (4270)	示閑暇…………… (4422)
卷三七八	卷三九二
褒異第四…………… (4278)	威名…………… (4425)
卷三七九	卷三九三
褒異第五…………… (4287)	威名第二…………… (4433)
卷三八〇	卷三九四
褒異第六…………… (4296)	勇敢…………… (4442)
卷三八一	卷三九五(上)

勇敢第二(上)…………… (4455)	卷四〇九
卷三九五(下)	退讓第二…………… (4632)
勇敢第二(下)…………… (4464)	卷四一〇
卷三九六	壁壘…………… (4639)
勇敢第三…………… (4469)	卷四一一
卷三九七	間諜…………… (4647)
懷撫…………… (4486)	卷四一二
卷三九八	仁愛…………… (4659)
明天時…………… (4504)	得士心…………… (4663)
擇地利…………… (4506)	卷四一三
撫士卒…………… (4508)	禮賢…………… (4673)
冥助…………… (4512)	薦賢…………… (4677)
卷三九九	召募…………… (4682)
固守…………… (4520)	訓練…………… (4685)
卷四〇〇	卷四一四
固守第二…………… (4535)	赴援…………… (4689)
卷四〇一	卷四一五
行軍法…………… (4551)	傳檄…………… (4704)
卷四〇二	卷四一六
識略…………… (4560)	傳檄第二…………… (4719)
卷四〇三	卷四一七
識略第二…………… (4571)	強明…………… (4733)
卷四〇四	德義…………… (4734)
識略第三…………… (4580)	引咎…………… (4738)
卷四〇五	不顧親…………… (4742)
識略第四…………… (4590)	受命忘家…………… (4745)
卷四〇六	卷四一八
清儉…………… (4600)	嚴整…………… (4747)
正直…………… (4604)	卷四一九
卷四〇七	持重…………… (4755)
諫諍…………… (4610)	以少擊衆…………… (4758)
卷四〇八	卷四二〇
退讓…………… (4624)	掩襲…………… (4764)

卷四二一	示弱…………… (4900)
任謀…………… (4774)	卷四三四
卷四二二	獻捷…………… (4904)
推誠…………… (4783)	卷四三五
任能…………… (4788)	獻捷第二…………… (4915)
卷四二三	卷四三六
討逆…………… (4793)	繼襲…………… (4923)
卷四二四	卷四三七
死事…………… (4802)	強復…………… (4930)
卷四二五	失士心…………… (4934)
死事第二…………… (4812)	卷四三八
卷四二六	無功…………… (4939)
招降…………… (4824)	奔亡…………… (4944)
卷四二七	卷四三九
受降…………… (4838)	要君…………… (4951)
卷四二八	違命…………… (4953)
料敵…………… (4845)	擅命…………… (4956)
卷四二九	卷四四〇
守邊…………… (4858)	交結…………… (4961)
拓土…………… (4865)	忌害…………… (4963)
卷四三〇	卷四四一
乞師…………… (4870)	敗衄…………… (4970)
致師…………… (4875)	卷四四二
卷四三一	敗衄第二…………… (4980)
器度…………… (4878)	卷四四三
讓功…………… (4881)	敗衄第三…………… (4993)
不伐…………… (4883)	卷四四四
勤戎事…………… (4885)	陷沒…………… (5004)
卷四三二	卷四四五
矯命而勝…………… (4889)	無謀…………… (5015)
立後效…………… (4892)	逗撓…………… (5018)
卷四三三	軍不整…………… (5022)
輕財…………… (4898)	卷四四六

觀望…………… (5026)	卷四五一
生事…………… (5029)	爭功…………… (5073)
卷四四七	矜伐…………… (5076)
違約…………… (5035)	卷四五二
徇私…………… (5037)	識闇…………… (5080)
縱敵…………… (5039)	卷四五三
輕敵…………… (5040)	翻覆…………… (5091)
卷四四八	怯懦…………… (5095)
殘酷…………… (5046)	卷四五四
報私怨…………… (5052)	豪橫…………… (5103)
卷四四九	奢侈…………… (5107)
殺降…………… (5054)	專恣…………… (5110)
專殺…………… (5056)	卷四五五
卷四五〇	貪黷…………… (5114)
失守…………… (5062)	卷四五六
譴讓…………… (5067)	不和…………… (5122)

冊府元龜卷第三百四十

將帥部(一)

總序 佐命

總序

唐堯之時，弃爲后稷兼掌司馬，司馬所以掌武事也。暨舜之世，有苗弗率，命禹徂征。又夏啓與有扈大戰於甘，乃召六卿。蓋天下六軍，其將皆命卿焉。至仲康，命裔侯掌王六卿，爲大司馬，以羲和涵淫，廢時亂日^[1]，裔往征，即其事也。周官大司馬、卿一人，又有小司馬、中大夫二人，各率其屬，以掌軍政。凡制軍，萬有二千五百人爲軍。王六軍，大國三軍，次國二軍，小國一軍。軍將皆命卿。二千五百人爲師，師帥皆中大夫。五百人爲旅，旅帥皆下大夫。百人爲卒，卒長皆上士。二十五人爲兩，兩司馬皆中士。伍人爲伍，伍皆有長。一軍則二府、六史，胥十人，徒百人。及晉獻公作二軍，公將上軍，將軍本名起於此也。周末有前、後、左、右將軍。秦因之，位上卿，復有護軍、都尉之名。漢興，大將軍、驃騎將軍位次丞相，車騎將軍、衛將軍、左、右、前、後將軍，位次上卿，掌京師兵衛四夷屯警長。武帝初，置城門校尉，掌京師城門屯兵，有司馬、十二城門候。中壘校尉掌北軍壘門內，外掌西城。屯騎校尉掌騎士。步兵校尉掌上林苑門屯兵。越騎校尉掌越騎。長水校尉掌長水、宣曲胡騎^[2]。又有胡騎校尉，掌池陽胡騎，不常置。射聲校尉掌待詔射聲士。虎賁校尉掌輕車。凡八校尉，皆武帝初置，有丞、司丞焉^[3]。及征閩越、東甌，又有伏波、樓船。及伐朝鮮、大宛，復置橫海、度遼、貳師。宣帝又增蒲類、破羌。其餘雜號非一，蓋權時之制，因事立名，亦不常設也。又置騎都尉，護西域三十六國，有副校尉、丞一人，司馬、候、千人各二人^[4]。元帝又置戊己校尉^[5]，丞、司馬各一人，候五人。成帝綏和元年，以大司馬驃騎大將軍爲大司馬，罷將軍官。光武中興，諸將軍皆稱大夫。及天下已定，武官悉省，比公者四。第一大將軍，次驃騎將軍，次車騎將軍，次衛將軍。明帝又有前、後、左、右將軍，長史、司馬皆一人(司馬主兵，如太尉)，從事中郎二人(《東觀書》曰：“《大將軍本注》曰：‘職參謀議出征，置中護軍一人’”)，令史及御屬三十一人，又賜官騎三十人及鼓吹。其雜號將軍衆多，皆主征伐，事訖皆罷。

其領軍皆有部曲，大將軍營伍部，部校尉一人，軍司馬一人。部下有曲，曲有軍候。曲下有屯，屯長一人。其不置校尉，但部軍司馬一人。又有軍假司馬、假候，皆爲副貳。其別營領屬，爲別部司馬。其兵多少，各隨時宜。門有門候。其餘將軍置以征伐，無員職，亦有部曲、司馬、軍候以領兵。其職吏部集各一人，總知營事，兵曹掾史主兵事。其後復有四征、四鎮之號。魏武爲相，漢建安四年，丞相府自置中領軍將軍，又遣大將軍督軍。二十一年，征孫權還，夏侯惇督二十六軍是也。又置都護中尉、護軍將軍。文帝受漢禪，有太尉，而大司馬、大將軍各自爲官，位在三司上。又置領軍將軍，主五校、中壘、武衛等三營。又置都督諸州軍事，或領刺史。又上軍大將軍曹真都督中外諸軍事、假黃鉞，則總統內外諸軍矣。又有四安、四平之號。明帝遣晉宣王征蜀，加號大都督。晉文亦爲之（魚豢曰^[6]：魏世驃騎爲都督），督儀與四征同。若不爲都督，雖持節屬四征者，與前、後、左、右、雜號將軍同。其或散還，從文官之例，位三司。蜀有軍師，吳有督軍中郎將，其餘雜號大底同於漢魏也。晉武帝受魏禪，以都督諸軍爲上，監諸軍次之，督諸軍爲下；使持節爲上，持節次之，假節爲下。使持節得殺二千石以下，持節殺無官位人，若軍事得與使持節同。假節唯軍事得殺犯軍令者。江左以來，都督中外尤重，唯王導等權重者乃居之。又以領、護、左、右衛、驃騎、游擊爲六軍（文帝初，置中衛。武帝分爲左、右衛，并置長史、司馬、功、簿。江左罷長史、曹、主），左、右、前、後將軍爲四軍，屯騎、步兵、射聲、越騎、長水等校尉號五校。二衛始制前驅、繇基、強弩，爲三部司馬，各置督史。左衛熊渠武賁，右衛攸飛武賁。二衛各五部督，其命中武賁，驃騎、游擊各領之。又置武賁、羽林、上騎、異力四部，并命中爲五督，其衛，鎮四軍如五校，各置千人，更制殿中將軍，中郎、校尉、司馬比驃騎。持椎斧武賁，分屬二衛。尉中武賁、持披冗從、羽林司馬^[7]，常從人數各有差。武帝甚重兵官，故軍校多選朝廷清重之士居之。又置中軍將軍以統宿衛七軍（五王作難，東海王越以須行事皆繇殿省，乃奏宿衛有侯爵者皆罷之。時殿中武官并封侯，由是出者略盡，乃以東海官領左、右衛）。復有四安、四平、四中郎將、征虜等號。初，武帝省領軍將軍，使中軍將軍羊祜統二衛、前、後、左、右、驍衛等營，即領軍之任也。懷帝永嘉中，改中軍曰中領軍。元帝永昌元年，改曰北軍中候，尋復爲領軍。成帝世，復爲中候，尋復爲領軍護軍將軍。江左以來，領軍不復別領營，總統二衛、驃騎、材官諸營，護軍猶別有營也。資重者爲領軍護軍，資輕者爲中領軍中護軍，屬官有長史、司馬、功曹、主簿、五官。受命出軍，則置參軍、左右衛將軍。宋受命，人臣無都督之號。江夏王義恭假黃鉞，則專戮節將，非人臣常器矣。其四安、四平、左、右、前、後、征虜等將軍及四中郎將，唯處諸王素所無爲者。自左、右、前、後將軍以下及四十號（謂漢宣威、明威之類），唯四中郎各將一人，餘皆無定員。自車騎以下爲刺史，又都督，又儀同三司，置官如領兵公。但都督不儀同三司者不置從事中郎，置功曹一人，主吏，在主簿上；功曹參軍一人，主佐，記室下，戶曹上。監以下不置諮議記

室，餘則同矣。太宗以來，皇子皇弟雖非都督，亦置記室參軍。小號將軍爲大郡邊守，置佐吏者，又置長史，餘則同也。南齊有驃騎、車騎、衛、鎮軍、中軍、撫軍、四征、四鎮將軍，加大字位從公，開府儀同如公。又有四安、四平、左、右、前、後、征虜將軍、四中郎將，亦因宋制，唯處諸王素族無爲者^[8]。又有冠軍、輔國、寧朔、寧遠、龍驤將軍。凡諸小號，亦有置府者。又有領軍將軍、中領軍、護軍將軍、中護軍。凡言爲中小者，同一官也，諸爲將軍官皆敬領、護，諸王爲將軍，道相逢則領、護讓道焉。自晉世以來，領軍、護軍及左右二衛、驃騎、游擊將軍爲六軍。又有前、後、左、右將軍，號四軍。又有屯騎、步兵、射聲、越騎、長水，號五校。又有虎賁中郎將、冗從僕射、羽林監、積射、強弩、殿中員外、殿中將軍、殿中司馬、督武衛將軍、武騎常侍。自二衛、四軍、五校已下，并謂之西省，而散騎爲東省。復荊州，置護南蠻校尉。巴州置護三巴校尉。雍州置寧蠻校尉。益州置平蠻校尉。寧州置鎮蠻校尉。廣州置平越中郎將。又有護西戎校尉、護羌校尉、鎮蠻護軍、安遠護軍，皆置官屬有差。梁武以將軍之名高下舛雜，命更加釐定。於是有司奏至一百二十五號將軍，以鎮、衛、驃騎爲二十四班(內通外用)。四征(東、南、西、北，正施外也)、四中(軍、衛、撫、權，正施內也)爲二十三班。八鎮(東、南、西、北，正施在外；左、右、前、後，正施在內)爲二十二班。八安(東、南、西、北，正施在外；左、右、前、後，正施在內)爲二十一班。四平(東、南、西、北)^[9]、四翊(左、右、前、後)爲二十班^[10]。凡三十六號，爲一品，是爲重號將軍。忠武、軍師爲十九班。武臣、爪牙、龍騎、雲麾爲十八班(代舊前、後、左、右四將軍)。鎮兵、翊師、宣惠、宣毅爲一十七班(代舊四中郎)。十號爲一品。智威、仁威、勇威、信威、嚴威爲十六班(代舊征虜)。智武、仁武、勇武、信武、嚴武爲十五班(代舊冠軍)。十號爲一品，所謂五德將軍者也。輕車、重車、征遠、鎮朔、武旅、貞毅爲十四班(代舊輔國。凡將軍加大者唯至貞毅而已，通進一階，偃者方得北加位從公^[11])。凡督府置長史、司馬、諮議，諸曹有錄事曹、記室等十八曹。天監七年，更置中錄事、記室、中置兵參軍各一人^[12]。寧遠、明威、振遠、電耀爲十三班(代舊寧用^[13])。十號爲一品。武威、武騎、武猛、壯武、鷹武爲十二班。電威、馳銳、追鋒、羽騎、突騎爲十一班。十號爲一品。折衝、冠武、和戎、安壘、猛烈爲十班。掃狄、雄信、掃虜、武鋒、摧鋒爲九班。十號爲一品。略遠、貞威、決勝、開遠、光野爲八班。厲鋒、輕銳、討狄、蕩夷爲七班。十號爲一品。武毅、鐵騎、樓船、宣猛、樹功爲六班。剋狄、平虜、討夷、平狄、威戎爲五班。十號爲一品。伏波、雄戟、長劍、衝冠、鵬騎爲四班。攸飛、安夷、剋戎、綏狄、威虜爲三班。十號爲一品。先鋒、武毅、開邊、招遠、全威爲二班。綏虜、蕩寇、殄虜、橫野、馳射爲一班。十號爲一品。凡十品二十四班，亦以班多爲貴。其制品十，取其盈數；班二十四，以法氣序，制簿悉以大號居後，以爲選法自小遷大也。前史所記，以位得從公，故將軍之名次于台槐之下，至是備其班品，叙其百司之外。其不登二品，應須軍號者，有牙門(代舊建威)、期門(代舊建武)，爲八班。候騎(代舊振威)、雄渠(代

舊振武爲七班。中堅(代舊奮威)爲六班。戈船(代舊揚威)、繡衣(代舊揚武)爲五班。執訊(代舊廣武)、行陣(代舊廣威)爲四班。鷹揚爲三班。陵江爲二班。偏將軍、裨將軍爲一班。凡十四號別爲八班,以象八風,所施甚輕。又有武安、鎮遠、雄義(擬車騎)爲二十四班。四撫(東、西、南、北,擬四征)爲二十三班。四寧(東、西、南、北,擬四鎮)爲二十二班。四威(東、西、南、北,擬四安)爲二十一班。四綏(東、西、南、北,擬四平)爲二十班。凡十九號爲一品。安遠、安邊(擬忠武軍師)爲一十九班。輔義、安沙、衛海、撫河(擬武臣第四號)爲一十八班。平遠、撫朔、寧沙、航海(擬鎮丹等四號)爲十七班。凡十號爲一品。朝海、朔野、拓遠、威河、龍幕(擬智威等五號)爲十六班。威壘、安漢、綏邊、寧寇、梯山(擬智武等五號)爲十五班。凡十號爲一品。寧境、綏河、明信、明義、威漢(擬輕車等五號)爲十四班。安隴、向義、宣節、振朔、候律(擬寧遠等五號)爲十三班。凡十號爲一品。平寇、定遠、陵海、寧隴、振漢(擬武威等五號)爲十二班。馳義、橫朔、明節、執信、懷德(擬當威等五號)爲十一班。凡十號爲一品。撫邊、定隴、綏關、立信、奉義(擬折衝等五號)爲十班。綏隴、寧邊、定朔、立節、懷威(擬掃狄等五號)爲九班。凡十號爲一品。懷關、靜朔、掃寇、寧河、安朔(擬略遠等五號)爲八班。揚化、超隴、執義、來化、度嶂(擬礪鋒等五號)爲七班。凡十號爲一品。平河、振隴、雄邊、橫河、寧關(擬武毅等五號)爲六班。懷信、宣義、弘節、俘遼、鑿空(擬尅狄等五號)爲五班。凡十號爲一品。捍海、款塞、歸義、凌河、明信(擬伏波等五號)爲四班。奉忠、守義、弘信、仰化、立義(擬伏飛等五號)爲三班。凡十號爲一品。綏方、奉正、丞化、度海、浮河(擬先鋒等五號)爲二班。懷義、奉信、歸仁、懷澤、伏羲(擬綏虜等五號)爲一班。凡十號爲一品。大凡一百九號將軍,亦爲十品二十四班,正施于外國。及大通三年,有司奏曰:“天監七年改定將軍名,有因有革。普通六年,又置百號將軍,加刊正,雜號之中,微有移異。大通二年,奏移寧遠班中明威將軍進輕寧班中,又置安遠將軍代貞武,宣遠代明烈。其戎夷之號,亦加附擬,選序則依此承用。”遂以定制。轉則進一班,黜則退一班,班即階也。同班以優劣爲前後。有鎮、衛、驃騎、車騎同班。四中、四征同班。八鎮同班。八安同班。四平、四翊、忠武、軍師同班^[14]。武臣、爪牙、龍騎、雲騎、冠軍同班。鎮嶽、翊師、宣惠、宣毅四將軍,東、南、西、北四中郎將同班。智威、仁威、勇威、信威、嚴威同班。智武、仁武、信武、勇武、嚴武同班,爲五德將軍。輕車、領朔、武旅、貞毅、明威同班。寧遠、安遠、征遠、鎮遠、宣遠同班。威雄、威猛、威烈、威振、威信、威勝、威略、威風、威力、威光同班^[15]。武猛、武略、武勝、武力、武毅、武健、武烈、武威、武銳、武勇同班。猛烈、猛盛、猛銳、猛震、猛進、猛智、猛威、猛勝、猛駭同班。壯武、壯勇、壯烈、壯猛、壯銳、壯盛、壯毅、壯志、壯意、壯力同班。驍雄、驍桀、驍猛、驍烈、驍武、驍勇、驍銳、驍名、驍勝、驍迅同班。雄猛、雄威、雄明、雄烈、雄信、雄武、雄勇、雄毅、雄壯、雄健同班^[16]。忠勇、忠烈、忠猛、忠銳、忠壯、忠毅、忠捍、忠信、忠義、忠勝同班。明智、明略、明遠、明

勇、明烈、明盛、明勝、明進、明銳、明毅同班。光烈、光明、光英、光遠、光勝、光銳、光命、光勇、光戎、光野同班^[17]。廳勇、廳猛、廳烈、廳銳、廳決、廳起、廳略、廳勝、廳奇、廳出同班。龍驤、武視、雲旗、風烈、電威、電首、馳銳、追銳、羽騎、突騎同班。折衝、冠武、和戎、安壘、超猛、英果、掃虜、掃狄、武銳、推鋒同班^[18]。開遠、略遠、貞威、決勝、清野、堅銳、輕銳、拔山、雲勇、振旅同班。超武、鐵騎、樓船、宣猛、樹功、尅狄、平虜、稜威、昭威、威戎同班。伏波、雄戟、長劍、衝冠、鷗騎、攸飛、勇騎、破敵、尅敵、威勇、威虜同班^[19]。前鋒、武毅、開邊、招遠、全威、破陣、蕩寇、殄虜、橫野、馳射同班。牙門、期門同班。候騎、熊渠同班。中堅、典戎同班^[20]。執訊、行陣同班。伏武、懷奇同班。偏、裨將軍同班。凡二百四十號，爲四十四班。又雍州置寧蠻校尉，廣州置平越中郎將，北梁南秦置西戎校尉，寧州置鎮蠻校尉。西陽、南新蔡、晉熙、廬江等郡置鎮蠻護軍。武陵郡置安遠護軍。巴陵郡置度支校尉。皆立府，隨府主號輕重而不爲定。其將軍施於外國者，雄義、鎮遠、武安同班，擬衛、鎮等三號。四撫同班，擬同四征。四威同班，擬四平。安遠同班，擬忠武等號。撫河、衛海、安沙、輔義同班，擬武臣等號。船海、寧沙、撫朔、平遠同班^[21]，擬鎮嶽等號。壘幕、威河、和戎、拓遠、朔野、翊海同班，擬智威等號。梯山、寧寇、綏邊、安漢、威壘五號同班，擬智武等號。爲漢、義明、昭信、綏河、寧境同班^[22]，擬輕車等號。候律、振朔、宣節、向義、安壘同班，擬寧遠等號。振漢、寧壘、陵海、安遠、平寇同班，擬威雄等號。懷德、執信、羽節、橫朔、馳義同班，擬武猛等號。安朔、寧河、掃寇、靜朔、懷關同班，擬驍雄等號。渡嶂、奉化、康義、超壘、揚化同班，擬猛烈等號。寧開、橫沙、雄邊、振壘、平河同班^[23]，擬忠勇等號^[24]。明信、陵河、歸義、款塞、捍海同班，擬光烈等號。立義、仰化、弘信、守義、奉忠同班，擬廳勇等號。奉誠、立誠、建誠、顯誠、義誠同班，擬龍驤等號。尉遠、寧渤、綏嶺、威塞、通侯同班，擬折衝等號。掃荒、威荒、定荒、開荒、理荒同班，擬開遠等號。奉節、歸節、遠節、效節、仗節同班，擬超武等號。渡河、凌海、承化、舉正、綏方同班，擬伏波等號。伏羲、懷澤、歸誠、奉信、懷義同班，擬前鋒等號。凡一百二十五將軍，二十八班，并施外國戎國，準予中夏焉。大同四年，魏彭城王爾朱仲遠來降，以爲定洛大將軍，仍使其北討，故名。陳承梁制官，又有戎號，擬官自一品至于九品，凡二百三十七。鎮、驃騎等三號將軍擬官品第一(秩中二千石)^[25]。四中(軍、撫、衛、護)、四征(東、西、南、北)、八鎮(東、西、南、北、左、右、前、後)等十六號將軍擬官品第二(秩中二千石)。八安^[26](左、右、前、後、東、西、南、北)、四翊(左、右、前、後)、四平(東、西、南、北)等十六號將軍，擬官品第三(秩中二千石)。中武^[27]、軍師、武臣、爪牙、龍騎、雲麾、冠軍、鎮兵、翊師、宣惠、宣毅等將軍，中郎將、智、仁、勇、信、嚴等五威、五武將軍，合二十五號^[28]，擬官品第四(秩中二千石)。輕車、鎮朔、武旅、貞毅、明威等將軍(將軍加大封者至此。凡加大，通進一階)，寧、安、征、旅、振、宣等五遠將軍^[29]，寧蠻校尉(雍州少府、蠻越校尉、中郎將隨府主軍號輕重。若單作則減刺

史一階，若有將軍，減將軍一階也），合十八號，擬官品第五。威雄、猛、烈、震、信、略、勝、風、力、光等十威^[30]，武猛、略、勝、力、毅、健、烈、威、銳、勇等十武，猛毅、烈、威、震、銳、進、智、勇、勝、駿等十猛，壯武、勇、烈、猛、銳、威、力、毅、志、意等十壯，驍雄、桀、烈、武、威、勇、銳、名、勝、迅等十驍，雄猛、威、明、烈、信、武、勇、毅、壯、健等十雄，忠勇、烈、猛、銳、壯、毅、捍、信、義、勝等十忠，明智、略、遠、勇、烈、威、銳、毅、勝、進等十明，光威、烈、英、遠、勝、銳、命、勇、戎、野等十光，驍勇、烈、武、猛、銳、奇、決、勝、略、出等十驍將軍，平越中郎（廣、梁、南秦、南梁、寧等州小府也），西戎、平戎、鎮蠻三校尉等，擬官一百四號，品第六（并千石）。龍驤、武視、雲旗、風烈、電威、雷音、馳銳、追銳、羽騎、突騎、折衝、冠武、和戎、安壘、超猛、英果、掃虜、掃狄、武鋒、推鋒、開遠、略遠、貞威、決勝、清野、堅銳、輕車、拔山、雲勇、振旅等將軍，擬官三十號，品第七（并六百石）。超武、鐵騎、樓船、宣猛、樹功、剋狄、平虜、稜威、戎昭、威戎、伏波、雄戟、長劍、衝冠、彫騎、攸飛、勇騎、破敵、剋敵、威虜等將軍，鎮蠻護軍（西陽、南新蔡、晉熙、廬江郡小府鎮蠻、安遠護軍，度支校尉，隨府主號輕重，單作則減太守、內史相一階。若有將軍，減一階）、安遠軍護、度支校尉（曰陵郡丞）等擬官二十三號，品第八（并六百石）。前鋒、武毅、開遠、招遠、金城、稜威、破陣、蕩寇、殄虜、橫野、馳射等將軍^[31]，擬官十號，品第九（并四百石）。諸將軍起自第六品已下，板則無秩，其雖除，不領兵，領兵，不滿百人。并除此官而爲州郡縣者，皆依本條減秩石。（二千石減爲千石，千石降爲六百石，自四百石降而無秩，依其州縣郡自各以秩論。）凡板將軍皆降除一品，諸依此減降品秩，其應假給章印，各依舊差，不貶奪其封爵，亦爲九等之差。後魏有大將軍、大司馬、都督中外諸軍事、都督州府諸軍事，品第一，都督之州諸軍事，又有驃騎將軍、車騎將軍、衛將軍。驃騎、車騎加大者位在三司上，衛將軍加大者次儀同三司，品并第一下。又有四征、四鎮將軍（四征加大者次衛將軍，四鎮加大者次尚書令）。又有中軍、鎮軍、撫軍將軍（加大者次四征），品第一下。又有四安、領軍、諸軍將軍（加大者秩次三以下），品第二。前、後、左、右、尚書、四平（次大者秩次護軍^[32]）。左右衛、武衛將軍品第二。征虜、輔國、龍驤將軍品第三。中堅、中壘、騎衛、鎮遠、安遠、建遠、建中、建節、立意、立忠、立節、恢武、勇武、耀武、昭武、顯武、直閣將軍，品第三。寧朔、建威、振威、奮威、揚威、廣威、建武、奮武、振武、揚武、廣武將軍，品第四。鷹揚、折衝、寧遠、揚烈、伏波、陵江、平漢、輕車、威遠、虎威、殿中員外將軍，品第五。宣威、明威、襄威、厲威、烈威、寇威、虜威、戎威、武烈、武毅、武奮將軍，品第六。綏遠、綏邊、綏虜、討寇、討虜、討難、討夷、盪虜、盪寇、盪難、盪逆將軍，品第七。殄寇、殄虜、殄難、殄夷、掃寇、掃虜、掃難、掃逆、厲武、厲鋒、虎牙、虎奮將軍，品第八。廣野、橫野、偏裨將軍，品第九。又有領軍、護軍（若侍臣帶者，上加中字料。領、護將軍不兼置），品第三。南、北、東、西、護匈奴、羌、戎、夷、蠻、越、城門校尉、羽林中郎將、射聲、越騎、長騎^[33]、步兵、長水、將軍^[34]，品第三。羽林

中郎將、戟楯虎賁、募員虎賁、高車虎賁、左右積弩積射、強弩將軍，品第四。附義、歸義、率義、順義中郎將、虎賁郎將，品第五。大和二十三年，孝文再次職令命數，雖有升降，而大抵頗同北齊。有驃騎、車騎、衛、四征、四鎮、中軍、鎮軍、撫軍、四翊、四安、冠軍、輔國、龍驤、鎮遠、安遠、建中、建節、中堅、中壘、振威、奮威、廣德、弘義、折衝、制勝、伏波、陵江、輕車、樓船、勁武、昭勇、明威、顯信、渡遼、橫海、踰岷、越障、戎昭、武毅、雄烈、懷猛、揚麾、曜鋒、蕩邊、開城、靜漢、綏戎、平越、殄夷、飛騎、準擊、武牙、武奮、清野、橫野、偏裨等將軍，以褒賞勳庸。領軍府軍將軍一人^[35]，掌禁衛宮掖，朱華閣外，凡禁衛官皆主之。輿駕出入，督攝仗衛。中領軍亦同，有長史、司馬、功曹、五官、主簿、錄事，釐其府事，又領左右衛，領左右等府。左右衛府將軍各一人，掌左右廂，所主朱華閣已外，各武衛將軍二人。二人皆有司馬、功曹、主簿、錄事釐其府事。其御仗屬官有御仗正副都督、御仗武職、御仗等員；其直盪屬官有直盪正副都督、直人正副都督、勳武前鋒正副都督、勳武前鋒五職等員；直衛屬官有直衛正副都督、翊衛正副都督、前鋒正副都督等員；直突屬官有直突都督、勳武前鋒散都督等員；直閣屬官有朱衣直閣、直閣將軍、直寢、直齋、直後之屬。又有武騎、雲騎將軍各一人，驍騎、游擊、前、後、左、右等四軍將軍。將軍左右中郎將各五人。步兵、越騎、射聲、屯騎、長水等校尉，奉車都尉等各十人，武賁中郎將、羽林監十五人，冗從僕射二十人，騎都尉六十人，積弩、積射、強弩等將軍及武騎常侍各二十五人，殿中將軍五十人，員外將軍一百人，殿中司馬都督五十人，員外司馬都督一百人。領左右府，有領左右將軍，領千牛備身，又有左右備身正副都督、左右備身五職、左右備身。又有刀劍備身正副都督、刀劍備身五職、刀劍備身。員外又有備身正副都督、備身五職員。護軍府將軍一人，掌四中關津。輿駕則護駕。中護軍亦同，有長史、司馬、功曹、五官、主簿、錄事，釐其府事。其屬官東、西、南、北四中府皆統之。四府各中郎將一人，長史、司馬、錄事參軍、統府錄事各一人。又有統府、直兵及功曹、倉曹、中兵、外兵、騎兵、長流、城局等參軍各一人，法、甲、鎧等曹行參軍各一人。又領諸官府尉、津尉。左右衛、左右武衛、左右武侯，各大將軍一人，將軍二人，并有長史、司馬、錄事、功、兵曹、倉、騎曹參軍、法曹、錄曹行參軍(各一人)、行參軍(左右衛、左右武侯各六人，左右武衛各八人)等員。左右衛掌宮掖禁禦，攝督仗衛。又各有直閣將軍六人，直寢十二人，直齋、直後各十五人，并掌宿衛侍從。奉車都督六人，掌馭副車。武騎常侍十人。殿內將軍十五人，員外將軍三十人。殿內司馬督二十人，員外司馬督四十人，并以參府朝，出使勞問。左右衛又各統親衛，置開府(左勳衛開府、左翊衛開府、二開府、三開府、四開府及武衛、武侯、領軍、東宮領兵開府準此也)。府置開府一人，有長史、司馬、錄事及倉、兵等曹參軍、法曹行參軍(各一人)。又有儀同府(武衛、武侯、領軍、東宮領兵儀同皆準此也)。儀同已下，置員同開府，但無行參軍。諸府皆領軍坊，每坊(東宮卿園準此)置團士一人，佐二人。左右武衛府無直閣

已下員，但領外軍，宿衛左右。武侯掌車駕出，先驅後殿，晝夜巡察，執捕姦非，烽候道路，水草所置，巡狩師田，則掌其營禁。又加置司展師四人^[36]，漏刻生一百六十人。左右領、左右府大將軍一人，將軍二人，掌侍衛左右，供御兵仗，領千牛備身十二人，掌執千牛；刀備身左右十二人，掌供御弓箭；備身六十人，掌宿衛侍參軍事；鎧曹行參軍（各一人）等員。左右監門府各將軍一人，掌宮殿門禁及守衛事，各置郎將二人，校尉直長各三十人，長史、司馬、錄事及倉、兵曹參軍、鎧曹行參軍（各一人）、行參軍（四人）等員，領軍府左右各掌十二軍籍帳差科詞訟之事，不置將軍，唯有長史、司馬掾屬及錄事、功、倉、兵、騎等曹參軍、法、鎧等曹行參軍（各一人）、行參軍（十六人）等員。後周有柱國大將軍（正九命）、驃騎、車騎等大將軍（九命）、驃騎、車騎等將軍（正八命）、四征、中軍、鎮軍、撫軍等將軍（八命）、四平、前、後、左、右將軍、師都督（正七命）、冠軍、輔國等將軍（七命）、鎮遠、建忠等將軍（六命）、寧遠、揚烈、伏波等將軍（正五命）、輕車將軍、奉車、奉騎等都尉、四征、中、鎮撫軍（五命）、宣威、明威等將軍（正四命）、襄威、厲威等將軍（四命）、威烈、討寇等將軍（正三命）、蕩寇、蕩難等將軍（三命）、殄寇、殄難等將軍（正二命）、掃寇、掃難等將軍（二命）、曠野、橫野等將軍（正一命）、武威、武牙等將軍。唐武德初，命秦王既平王世充及竇建德，高祖以秦王功殊今古，自昔位號不足以爲稱，乃置天策上將軍以拜，爲位在三公上。及升儲宮，遂廢天策府。二年，以天下未定，事資武力，將舉關中之衆以臨四方，乃置十二軍，分關中諸府以隸焉。以萬年道爲參旗軍，長安道爲鼓旗軍，富平道爲立戈軍，醴泉道爲井鉞軍，同州道爲羽林軍，華州道爲旗官軍，寧州道爲折威軍，岐州道爲平道軍，幽州道爲招搖軍^[37]，麟州道爲苑游軍，涇州道爲天紀軍，宜州道爲天節軍。每將軍軍一人^[38]，副一人，取威名素重者爲之，督耕戰之備，自是士馬強勁，無敵于天下。五年省。七年，以突厥寇掠，復置，後省之。其後定制有左右衛（龍朔除府字），大將軍各一員，將軍各二員；親府、勳一府、勳二府、翊一府、翊二府等五府，每府中郎一人，中郎將一人，左右郎將各一人。左右驍衛（龍朔去府字，改爲左右武衛。神龍復爲驍衛），大將軍各一員，將軍各二員；左右武衛（龍朔除府字，光宅改爲左右鷹揚，神龍復爲武衛），大將軍各一員，將軍各二員；左右威衛（舊爲屯衛，龍朔改爲威武，光宅改爲左右豹韜衛，神龍復爲威衛），大將軍各一員，將軍各二員；左右領軍衛（龍朔改爲戎衛，光宅改爲主鋒衛，神龍復爲領軍衛），大將軍各一員，將軍各二員；左右金吾衛（舊爲武侯衛，龍朔改爲左右金吾衛），大將軍各一員，將軍各二員（中郎、左右中郎將人數品制至此并同左右衛）；左右監門衛（龍朔除府字），大將軍各一員，將軍各二員，中郎將四人；左右千牛衛（龍朔改爲奉宸衛，神龍復爲千牛衛），大將軍各一員，將軍各二員，中郎將各二人（已上謂之十二衛）。左右羽林軍（龍朔置），大將軍各一員，將軍各二員，中郎將、左右中郎將同諸衛。左右龍武軍（初，太宗選飛騎之尤驍健者，別置百騎，以爲翊衛之備。天后加置萬騎爲左右營，置使以領之。開